



लहना वा:पौ भिन्स्वदँ क्यंगु लसताय्
भिन्तुना
सा:गु भिंगु मरिचरिया नितिं लुमका दिसँ !
लक्ष्मण गमाल 'चिलमि'
प्रोप्राइटर
लाखा छँ
LAKHA CHHEN
सोन्हुखुटे, वडा नं. १६, येँ, फोन नं.: ४९६०७५८

लाल पूजा दुगु छँ थुनेत चिं तल क्षतिपूर्ति बीमा:गु स्थानीय जनताया माग

लहना वा:पौ/ जिल्ला प्रशासन कार्यालय येँ नं सामाखुसीइ च्वंगु निजी छँ थुनेगु धका: चिं तयेवं उकियात कया: विरोध जगु दु। छवा: न्ह्य:या शनिवा: हे छँ थुनेगु कथं जिल्ला प्रशासक कार्यालयं चिं तयेगु ज्या या:गु ख:सा उकिया विरुद्ध स्थानीय जनता व सुकुम्बासीतयसं पुनरावेदन अदालतय् मुद्दा तयेवं आ:यात सुकुम्बासीया लिसे लालपूजा दुगु छँ थुनेगु ज्या स्थगित जगु खँ अभियन्ता लिसे पीडित शैलेश शाक्यं लगंबरें कनादीगु दु।

व्यक:या कथं थौकन्हय् सामाखुसी रानीवारी वनेगु लँपु २५ फिटया दुसा अन १० फिट सुकुम्बासी चीकेवं ३५ लिटया लँ जुइ। अथे हे व्यक:या छँया लिउने १५ फिटया मेगु लँ दुसा आ: व्यक:या छँ न्ह्य:ने थप करिडोर दयेकेगु धका: जिल्ला प्रशासन कार्यालयं चिं त:गु ख:।

निखेरं लँ दयेक दयेक हाकनं करिडोर छुकिया नितिं मा:गु धका: न्ह्यस: तसें व्यकलं थ:पित उचित क्षतिपूर्ति बीमा:गु माग नं यानादीगु दु।

व्यकलं सामाखुसीइ २०६५ सालय् तयारी छँय् न्या:गु ख:सा उगु



इलय् तक मापदण्ड लागू मजुनिगु खँ नं कनादीगु दु। थम्हं छँ न्यानागु लछि लिपा मापदण्ड लागू जगु जानकारी बियादिसँ न्हापा मापदण्ड मधुथाय् मापदण्ड दयेका: स्थानीय वासिन्दयात विस्थापित यायेगु ज्या गलत जगु खँ नं व्यकलं धयादीगु दु।

व्यकलं थम्हं छँ व जग्गाया कर आ: तक नं निरन्तर पुलाच्वनागु

जानकारी बियादिसँ मापदण्ड लागू जुइधका: नं सरकारं कर कायेगु ज्या यानाच्वंगु व आ: वया: मापदण्ड अ:ख: धका: छँ थुनेगु ज्या गलत जगु खँ धयादिल। सरकारया गलत ज्यायात कया: थम्हं मुद्दा तयेगु तयारी यानाच्वनागु जानकारी बियादिसँ व्यकलं वडाय् वना: स: तयेगु इवल्य् वडा सचिवं केदार रिजालं कर पुलात:गु

खँयात स्वीकार यानादिसँ आ: वया: छँ थुनेगु ज्या गलत जगु खँ स्वीकार या:गु जानकारी नं बियादिल।

व्यकलं धयादिल, 'वडा सचिवयात जिमिगु समस्या कनागु दु। वडा सचिवं क्षतिपूर्ति मबीकं छँ थुनेगु ज्या गलत जुइ धका: जिमित आश्वासन नं बियादीगु दु। व्यकलं आवश्यक जुल धा:सा उचित क्षतिपूर्तिया नितिं मा:गु पौ

च्यावीगु धयादीगु दु।'

व्यकलं न्हापा थम्हं नेवा: मुद्दायात कया: आन्दोलन यानागु कारणं तत्कालीन मेयर बालेन साहं थ:त ब्वला सालेकथं दकलय् न्हापां थ: च्वनाच्वनागु लागाय् च्वंगु छँय् थुनेगु स्व:गु द्वपं नं शाक्यं बियादीगु दु। व्यकलं धयादिल, 'जि न्हापा न्हू सतक तब्या यायेगुया लिसे तत्कालिन मेयर साह थौकन्हय् प्रधानमन्त्री या:गु ज्याया विरोध यानागु ख:। उकिया ब्वला सालेत जक व्यकलं जि च्वनाच्वनागु बस्ती चीकेत्यंगु जक मखुला धइगु न्ह्यस: ब्वलनाच्वंगु दु।

अनया सुकुम्बासी बस्ती थुंगु खँयात कया: ला:गु मुद्दाया पूर्ण पाठ थ्वहे वइगु १० गते बीगु तयारी पुनरावेदन अदालतं यानाच्वंगु दु।

व्यकलं थ:गु लागाय् करिडोर दयेकेगु आवश्यकता मजगुधासँ धयादिल, 'सर्वसाधारणया जनताया छँ थुना: पार्क दयेकेगु गुलि उचित धका: न्ह्यस: नं न्यानादीगु दु। व्यकलं छँ न्यानागु इलय् नक्सा पासया लिसे निर्माण सम्पन्न तकं कयात:गु छँ गुकथं वैधानिक ल्यं ७ पेजय्

२२ वडा महोत्सव त:जिक क्वचाल



लहना वा:पौ/ येँ महानगरपालिका २२ वडा महोत्सव त:जिक क्वचा:गु दु। वंगु शनिवा: वडान्यक जगु ज्याइवल्य् धिमे धेधेबल्ला, कवि सुरेश किरण मानन्धरया लुमान्तिइ थीथी भाषाया साहित्यिक गोष्ठी, नेवा: नसा ब्वज्या, सांस्कृतिक च्याली, घरेल उत्पादन प्रदर्शनी ज्याइव: जगु ख:।

सुथय् सांस्कृतिक च्याली सहित न्ह्या:गु ज्याइवल्य् चित्रकला प्रदर्शनी, सांस्कृतिक प्रदर्शनी नं जगु ख:। सफू प्रदर्शनी, ऐतिहासिक क्पा: प्रदर्शनी नं जगु ख:। सांस्कृतिक जयाइवल्य् चर्चित कलाकार दिपक वज्राचार्यया पुच:या लिसें कुटुम्ब ब्याण्ड नं थ:गु ज्याइव: न्ह्यब्व:गु ख:। उकथं हे स्थानीय

कलाकारपिसं नं थ:पिनिगु ज्याइव: न्ह्यब्व:गु ख:।

वडापाखें वरिष्ठ बालमुटुरोग शल्य चिकित्सक डा. रविन्द्र तिम्बिला, वरिष्ठ फोटोग्राफर राजभाइ सुवाल, वरिष्ठ अन्तर्राष्ट्रिय फिफा रेफ्री ज्ञानीराजा श्रेष्ठ, उद्योग वाणिज्य महासंघया पुलाम्ह नाय: विनोदबहादुर श्रेष्ठ, सगरमाथा आरोहीपिं चुनु श्रेष्ठ व मनिष महर्जन, राष्ट्रिय फुटबल प्रशिक्षक व पुलाम्ह कप्तान बालगोपाल महर्जन, दकलय् अप्व: हिदान यानादीमह मिसा निता धिरैया, नेपालय् माइक्रोसफ्ट दुत ह:म्ह आइटी व्यवसायी एलेन बैलोचन तुलाधर, वरिष्ठ शल्य चिकित्सक डा. मदनमान मल्ल, ल्यं ७ पेजय्



तान्व:या पासा **कुल्फी/आइसक्रिम** भपिया दिसँ ।

Himalayan Ice

चोको वार ५ बस किन्दा रु. १० को खुवा कुल्फी ५० पिस फ्रि ५००म. आईसक्रिम १० पिस किन्दा रु. ५ को १०० पिस कुल्फी फ्रि मिल्की वार ५ बस किन्दा रु. ५ को १०० पिस कुल्फी फ्रि २० कुल्फी १०० पिस किन्दा रु. ५ को १०० पिस कुल्फी फ्रि १० खुवा कुल्फी २०० पिस किन्दा रु. ५ को १०० पिस कुल्फी फ्रि

५०% डिपोजिटमा फ्रिज उपलब्ध छ ।

सुवीमलका नगरपालिका, वडा नं. १, मिस्टार भन्सार, स्वयं
९८९९४८३२५, ९८०८००९१५



नेवाः राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वौय् थव हे खः ज्यान भी सकस्यां छगू जातितय् स्वायत्त राज्यं लुइ कपं च्वय् भिलिमिलिं राष्ट्र भःभः धाय्क न्ह्याके भीगु चःतिं भीगु हिं

सम्पादकीय



विधिया शासन उल्लंघन स्वीकार्य जुइमखु

लोकतन्त्रय् विधिया शासनयात माने याइ । तर वर्तमान दुइ तिहाइ बहुमत सहित निर्वाचित जूगु सरकारविधिया शासनयात वेवास्ता जक याःगुमखु अदालतया आदेशयात तक माने मयाःगुअवस्था ब्वलनाच्वंगु दु। लोकतन्त्रय्कार्यपालिका व्यवस्थापिका व न्याय पालिकाया थःथःगु कथया भूमिका संविधानं सुनिश्चित यानातःगुदु। तर वर्तमान प्रधानमन्त्री बालेन साहं न त व्यवस्थापिकायात मान्यता बियाच्वंगुदु न त न्यायपालिकायात मान्यता बियाच्वंगुदु। थुकिं छुं खँयात संकेत यानाच्वना धइगु विश्लेषण राजनीतिक वृत्तय् जुयाच्वंगुदु।

सरकार प्रमुखं व्यवस्थापिका व न्यायपालिकायात वेवास्ता यायेगु ज्यां लोकतन्त्रयात संस्थागत याइ मखु। थव खँ राष्ट्रिय स्वतन्त्र पार्टी निश्चित रुपं मसिउगु मखु। तर प्रधानमन्त्री यानाच्वंगु ज्यायात कयाः रास्वपां नं समर्थन यानाच्वंगु दु धइगु खँ आः वयाः स्पष्ट जुजुं वनाच्वंगु दु। सरकार प्रमुखयात लगाम तयेगु ज्या पार्टीया खः तर पार्टी गलत ज्या याःसां नं उकियात त्वःपुइगु ज्या गुगु जुयाच्वंगु दु थुकिं अन्ततः पार्टीयात हे घाटा जुइगु खँ सचेत जुइमाःगु खः। तर जुयाच्वंगु खनेमदु। थव स्वयां न्ह्यःया प्रधानमन्त्री जूपितं राजनीतिक पार्टीतयसं थःगु नियन्त्रणय् कायेगु ज्या मयाःगु कारणं हे देय् अव्यवस्थित जूगु जक मखु भ्रष्टाचारया गालय् दुंगु खः।

आः नं प्रधानमन्त्रीयात पार्टी नियन्त्रण यायेमफइगु अवस्थाय् प्रधानमन्त्री तानाशाही जुइगु सम्भावना अप्वया वनाच्वंगु दु। यदि प्रधानमन्त्रीया थज्याःगु ज्या निरन्तर अप्वया वनीगु खःसा निश्चित दु याकनं हे मेगु जेनजी थेंज्याःगु आन्दोलन ब्वलनेफु। जनतां निश्चित इलय् तक राज्यया दमन सह याइ। यदि थव ज्या अप्वया वनाच्वंगुसा गुगुं नं इलय् तानाशाही सरकारया विरुद्ध दनेमाःगु अवस्था वयेफुइगु खँ रास्वपा सचेत जुइमाः। प्रधानमन्त्री हरेक गलत ज्यायात त्वपुइगु धइगु अन्ततः प्रधानमन्त्रीयात तानाशाही यायेगु खः। प्रधानमन्त्रीयात तानाशाही जुइगुपाखे पनेगु दायित्व धइगु पार्टीया हे खः। थव खँय् रास्वपा गुलि सचेत दु धइगु खँ इलं क्यनी।

विधिया शासन उल्लंघन धइगु स्वीकार्य मखु। विधिया शासनयात उल्लंघन यानाः राज्य न्ह्याःवनेफइ मखु धइगु खँ विश्वया थीथी इतिहासं नं क्यनाच्वंगु दु। विधिया शासनया उल्लंघन धइगु क्षम्य नं मखु। स्वीकार्य नं मखु। थव खँय् रास्वपा सचेत जुइमाःगु अवस्था वःगु दु।

चीन व ताइवान, छगू दे, निगू प्रणाली ?



उपेश महर्जन

अमेरिकी साम्राज्यवादया न्ह्यःने बुलुहुं थःत बल्लाकाः हलिन्यकं वयाच्वंगु चीनं फुक्क ख्यलय् बिस्कं अस्तित्व स्थापित याना वयाच्वंगु दु। म्हिगः हलिन्यकं सहलहया केन्द्र वारिगटन डीसी जुयाच्वंगुलि आः बेइजिंग जुयाच्वंगु दु। सामरिक रुपमा न्हापा व लिउ लाःगु देय्क अःखः विचाः दु। सोभियत संघ व अमेरिका नापं शीतयुद्ध जुगु इलनिसें जक मखु निक्वःगु विश्वयुद्धनिसें फुक्क धयाथें देय्यात चीनं आकर्षित यागु खः। कम्युनिष्ट जूसांतबि पुँजीवादी राज्य व्यवस्था दुगु हंगकंग व मकाउयात छगू दे, निगू प्रणालीइ लागू याःगु खः। अमेरिकाया छगू धुब चीनं मदिकक न्ह्यब्वयाच्वंगु ताइवानया मुद्दाया ल्याखें मेगु धुब जुइत ताःलागु दु। निगू तःधंगु शक्तिशाली देया शक्ति सन्तुलनं हुनि ताइवानया मुद्दायात गये यानाः याउँक छगू देय्, निगू प्रणाली दुध्याके फइगु धैगु न्ह्यु न्ह्यसं ब्वलंगु दु। चीनं ताइवानयात गथे यानाः छपें यायेफइ वा गुबले ताइवान छगू पूर्ण रुप स्वतन्त्र दे जुइफइ ? थव च्वसुया मु आज्जु खः।

चीन व ताइवानया इतिहास
चीन व ताइवानया इतिहास दुवालेगु खःसा सखि दै लिउने वनेमाः। चीनया सामन्तवादी जुजुपितं क्वथलाः लोकतान्त्रिक राज्य व्यवस्था हयेधुकाः डा. सन् यात्सेनं चीनयात धिसिलाकक न्ह्याकेमफुगु धासें चिनिया कम्युनिष्ट पार्टी विद्रोह याःगु खः। विद्रोह तालायेधुकाः चिनया काइसेक व क्वमितांग पार्टी मू चीन त्वःताः उबलय् टाइपेइ (आः ताइवान) य् जक लिक्नुगु खः। माओया विद्रोह सुथालाःगु जक मखु जापानी सेनायात नं चीनं बुकाबिगु खः। सन् १९४९ लिसें माओ ताइवानयात थःगु लागू धैच्वंगु खः।

चीनय् कम्युनिष्ट सरकार दुगुलिं जनवादी गणतन्त्र चीन (पीआरसी) धायेगु यातथाःसा ताइवानय् पुँजीवादी व्यवस्था दुगुलिं गणतन्त्र चीन (आरओसी) धायेगु यात। अमेरिका पीआरसीयात मान्यता मब्युसे आरओसीयात मान्यता बियाः संयुक्त राष्ट्र संघय् प्रतिनिधित्व याक्नुगु खः। सन् १९५४ य् ताइवान नापं रक्षा सन्धि तक अमेरिकां याःगु खः। तर सोभियत संघनापं अमेरिकाया शितयुद्ध जुयाच्वंगु इलय् सन् १९६९ य् निगू कम्युनिष्ट दे सोभियत संघ व चीनया वैचारिक त्वापू सैन्य कथं नं जुइधुंकाः अमेरिकां उकिया लभः काःगु खः।

अमेरिका चीन स्वापू व ताइवानया भविष्य
भियतनामा त्वापूइ अमेरिका बामलाकक तक्थनाच्वंगु व मेखे चीन सोभियत संघ नापं तक्थनाच्वंगु इलय् शत्रुया शत्रु मित्र धैगु खँवःयात निगुलिं देशं नालाकयाः सन् १९७० शान्तिपूर्ण सहलह यात। खय्त ला अमेरिका व चीन शत्रु हे खः। थव सहलहयात सन् १९७२ या अमेरिकी राष्ट्रपति रिचार्ड

निक्सन चीन भ्रमण यानाः माओत्सेतुगं ताइवानया मुद्दायात थःथःगु कथं ब्याख्या यायेफइगु कथं यानाः शान्तिपूर्ण सहलह यात। २३ दँया शत्रुतायात न्हकाः अमेरिकां चीनयात पासाया व्यवहार जक मखु ताइवान संयुक्त राष्ट्र संघया सिट नं त्वतेमाल। अमेरिकां चीनयात आधिकारिक प्रतिनिधिया रुपय् सुरक्षा परिषदय् भिटो पावर दुगु स्थायी दुजः तक दयेकाबिल। परिषदय् अमेरिका, रूस, चीन, बेलायत व फ्रान्सया स्थायी दुजः खः। थुकिया लिच्चः सन् १९७९ य् राष्ट्रपति जिम्मी कार्टरया पालय् ताइवानयात सार्वभौम देय्या मान्यता त्वाःथल तर ब्यापारिक रुपं कयेच्यानाः तल। थौं चीनयात १८० देशं मान्यता ब्यूगु दु। थव फुक्क देशं छगू चीन नीतियात दुयंक नालाकाःगु दु, व धैगु ताइवान चीनया लागू खः।

छगू दे, निगू प्रणालीया सिद्धान्त
थव इलनिसें चीन व ताइवान, निगू चीन धैगु खँव बुलुहु तनावन। छय्थाःसा चीनया छगू जक न्ह्यसः आः ताइवान सखि दैतक पियाः नं चीनय् छपेंछधि यायेगु। अथेजुयाः नं बेलायती साम्राज्यवादं हंगकंग व पोर्चुगल साम्राज्यवादं मकाउ लितः हयाः छगू देय् निगु प्रणालीयात न्हूधाः याःगु खः। थव धैगु ताइवानयात नं थव प्रणाली दुध्याकाः छपेंछधि यानाः चिनियाँ राष्ट्रवादयात धस्वाकेगु खः।

ताइवानया राजनीतिक व राष्ट्रिय पहिचान
राष्ट्र संघं ताइवानयात पितना छवयेधुंकाः उबलेनिसें स्वशासित लोकतन्त्र दुगु देया कथं न्ह्यानाच्वंगु दु। गबलें गबलें चिनियाँ टाइपेइया नामं नं ब्वति काइगु याः। ताइवानया सेमिकण्डक्टर अथे धैगु आइसी, थौं कन्हय् एआईया निर्मित जक व्यापारिक रुपं अनौपचारिक स्वापु तयेगु याः। अथेखःसां नं ताइवानयात स्वतन्त्र देय् धकाः १२ गू चिधंगु देशं जक मान्यता ब्यूगु दु। ताइवानी सरकार, लोकतन्त्र, निर्वाचन, सेना, बजेट, जनमत फुक्क दु।

छगू दे, निगू प्रणालीया खँवः निदैं धुंका हंगकंगय् जूगु तःधंगु प्रदर्शनया भ्वलय् ताइवानं छगू पाठया रुपं काःगु विश्लेषकपनिगु धापु दु। अन जूगु राजनीतिक हिसांया हुनि आपालं ताइवानी शासकपिसं थःत चिनियाँ मधासें बिस्कं पहः दुपिं जाति अर्थात् ताइवानी धका धायेगु यात। अर्थात् फ्यांफछि चिनियाँ मधायेगु व चीननापं छुं न स्वापू मद्रुपिं बिस्कं मेगु हे राष्ट्रवाद दुपिं धायेगु यात। चीननापं छपें जुइगु वा पूर्ण स्वतन्त्र जुइगुसिबें नं ताइवानं थःत स्वायत्त लागू व देय् धकाः धयाच्वंगु दु।

अमेरिकी सुरक्षा व चिनियाँ रणनीति
अमेरिकी साम्राज्यवादं निक्वःगु विश्वयुद्ध धुंकाः थःगु छत्रछँयाय् फुक्क देय्तयत् थीथी कथंया रणनीति नालाकाःगु दु। युरोपय् नाटो धाइथें प्रशान्त महासागरय् इन्डो-प्यासिफिक रणनीति नालाच्वंगु दु। क्वाइय् जापान, दक्षिण कोरिया, भारत व अष्ट्रेलियायात तयातःगु दु। अथेहे, अष्ट्रेलिया, बेलायत व अमेरिकाया मेगु सुरक्षा रणनीति नं दु। थुकिं यानाः ताइवानयात सुरक्षा कुसाय् तयेगु अमेरिकाया रणनीति खः।

अमेरिकी साम्राज्यवादं यकःति हलिन्यकं सुरक्षा बिइमफैगु तातुनां थथे थीथी

रणनीति दयेकाच्वंगु इलय् चीनं हलियात सुरक्षा व व्यापारपाखें थःगु ल्हातय् तयेगु कुत यात। छगू गरिब देय् चीनं थौं फुक्क कथं धनि। हलिं जुइगु छुं नं भाकायात शान्तिपूर्ण रुपय् ज्यकेत चीनयान मन्यकं मगाइगु जूगु दु। अमेरिका व रूस जक मखु मेगु शक्ति देय्या रुपं चीनं थःत थंगु दु। रूस युक्लेन त्वापू पश्चिम एसियाया इजरायल व इरानया त्वापू व ताइवानया मुद्दाय् चीनं थःगु ल्हाः बिस्कं च्वनाबिउगु दु। थज्याःगु कथं न्ह्यातथाःसा छगू दशक दुने चीन अमेरिकाया ल्यूने तयाः न्हापा लाइगु सम्भावना मद्रु धाये फइमखु। शुलि जक मखु, चीनं सांघाई संगठन, बेल्ट एण्ड रोड इनीसियटिभ, ब्रिक्सयात नं छय्गु दु। चीनं लिपांगु इलय् एआई जक मखु सैन्य क्षमताय् आपालं थःत बल्लाकेगु ज्या याःगुलिइ अमेरिका स्वयां नं चीनपाखे लिइमाःगु धकाः धायेगु यानाहःगु दु।

ताइवानय् जनमत सिर्जना
लिपांगु इलय् ताइवान दुने हे चीनं थःगु बिचाःयात दुयंक छवःगु दु। कोमिताग पार्टी ताइवानय् आः विपक्षी दल खः। थव दलया प्रमुखयात ह्याउँगु कार्पेटय् चीनया राष्ट्रपति सी लसकुस यानाः आधिकारी प्रतिनिधित्वया रुपं हलियात क्यनाब्यूगु दु। ताइवानया न्ह्यलुवाः पार्टी जूगु नातां ताइवानय् बुलुहुं थुकिं ताइवानी राष्ट्रवाद मखु चिनियाँ राष्ट्रवादयात हे दुयंक नालाकायेगु अभियान न्ह्याकाच्वंगु दु। हिंसात्मक मखु शान्तिपूर्ण रुपं छगू देय्, निगु प्रणालीयात हाकन दुवालेगु कुत जूगु दु।

विश्व संकट, चीनया समाधान
लिसें, हलिन्यकं जुयाच्वंगु त्वापूइ अमेरिकाया साख बामलाकक रयंगु दु। सन् १९७० सिबें अप्ठः अमेरिकाया इज्जत धुल्य् थ्यंगु दु। ताइवानयात छय्लाः, इरानया राज्य व्यवस्था हिला, रूसयात युक्लेनय् तक्थंका व भेजेजुयलाया राष्ट्रपतियात अपहरण यानाः चिनियाँ अर्थतन्त्र, विचार, सामरिक महत्वयात म्हो यायेगु कुतः सुथानं मलाःगुलिं चीनं ताइवान काइयात वाइल्ड काइया रुपं छय्गु दु। हलिन्यकया पंगःयात ज्यकेत चीन सक्षम दु, चीनया न्ह्यलुवाय् अथे यायेगु खःसा चीन दुनेया पंगल्य् सुनाः नं ल्हाः मतयेत तयंक थःगु खँ तःगु दु। न्यय्दैं थुके चीनं तयंक ताइवान मामिलाय् ल्हाः मतयेत अमेरिकायात धायेधुंकाः ताइवान स्वतन्त्रताय् थःपनिगु ग्वाहाली मदैगु धाःगु खः धकाः विश्लेषकपिसं धायेधुंकल। अमेरिकी राष्ट्रपति ट्रम्प अमेरिकी व्यापारिक घरानायात चीनय् यंकाः थःगु व्यापार तब्याकाः लवः कायेधुंकुल।

लिखें
छगू भ्याकुम जुइधुंका, बाह्य रुपं ग्वाहाली मदयेधुंकाः व देशय् दुने हे बिस्क विचाः ब्वलनेधुंकाः विद्रोह जुलधाःसा न्ह्यु कथं राष्ट्रिय पंगः वइ। उकियात राजनीतिक कर्तापिसं थःगु कथं राज्य व्यवस्था हिली। राष्ट्र संघया मान्यता मद्रुगु, चिचिधंगु देय्या जक मान्यता, रक्षा सन्धि व रणनीति दुसां तबि डिफेक्ट जुइत, दे दुनेया संस्थापन पक्षं ग्वाहालि मबिइगु, जनताया नुगः छपेंछधि जुइत शान्तिपूर्ण कुतः यायेत इनाप यायेगु वा विद्रोह जूलधाःसा लिसें हलिन्यकया सामुदायपिसं छगू देय्, निगू प्रणालीया जनमत, हंगकंगसिबें अप्ठः स्वायत्तताया चीनं बिलधाःसा ताइवान चीनय् छधि जुइफु।

ચાંગુ નપા છાલિજ્ઞયા મત્સ્ય નારાયણ







पन्नारत्न महर्जन

तःन्ध्यलं चितासू मस्यु

भीगु जिवयु नयु त्वने च्वने जक दयां मगाः । नयु त्वनेया लिसें न्ह्यः नं दयुमाः । न्ह्यः मन्तकि न्ह्याक्व हे नयु त्वने दःसां नयाख्वाः वइमखु । न्ह्यः मवःपिनि नयागु नसानापं पचय मजुयाः अपच जुइ यः ।

यक्व व ताउत देने माःपिंत तःन्ध्यः धाइ । भचा जक देनेवं गाःपिंत न्ह्यः सालु धायगु याः । खितिकक जुलाकि न्ह्यलं चाःपिंत खिचा न्ह्यः धाइसा न्ह्याक्व थंसां न्ह्यलं मचाइपिंत कुम्भकर्ण तर्कं धाइ । खिचा न्ह्यःतयु बांलाक देने खनी मखु । उकें थज्याःपिं छुं हाःसः मदुथायु देनेगु स्वइ ।

उसायुं बांलाका तयुत न्ह्यःया यक्व महत्व दु । न्ह्यः मगापिनि उसायुं उलि बांलाइ मखु, गुलि गाःपिनि बांलाइ । न्ह्यः मगात धायव न्हिछिं हे म्ह झ्यातु थें जुयाच्वने यः । याना यानागु न्या सुथां मलाःथें जुयाः च्वना च्वनाथायु च्वने मछुइ यः । मिखा सिकु सिकु जूथें जुयाः ख्वाः नापं स्वयु हे गरखेसे च्वने यः । यक्व न्ह्यः मगात धायव न्यासि वना च्वं च्वं हे इकुसे नापं च्वनावयु यः ।



न्ह्यः मगाइ वलयु महुतु नं साइमखु । न्ह्यागु नसा नःसां सवाः हे मदुगुला धया थें जुइ । नसा बांलाक घुतुं वनीमखु । प्वाथयु नयु पित्याःसां नसा घुतुं मवनाः म्ह नापं नाःतागत जुइ यः । थज्याःगु अबस्थायु वातावरणयु छुं भचाजक हिउपाः वःसां जिवयु असर लानाः म्हं नापं मफयु यः ।

थज्याःगु महत्वं जाःगु न्ह्यः नं यक्व न्ह्यः वयुकीपिंत तःन्ध्यलं चितासू सीमखु बायु तःन्ध्यलं चितासू मस्यु धायगु याः । भीगु समाजयु यक्व चलन चल्ती वइगु थ्व खंभःसुयातं

गिल्ला यायुत बायु हेबायु चबायु यायुगु कथं धयातःगु मखु । थ्वया मतलव बांलाक देने मज्यु धकाः धयातःगु नं मखु । देनेगुया नामयु छुकियां वास्ता मयासे दे जक देनेगु बानि यायु मज्यु देनेगु ई बिकाः तर्कं देने मज्यु धयातःगु खः । बांलाक न्ह्यः वयुकेगु व यक्व न्ह्यः वयुकेगु धयागु छगू हे मखु । देनेगु इलयु न्ह्यः वःपिंत बांलाक न्ह्यः वः धाइ । ई बिकाः तर्कं ताउत देनीपिंत यक्व देनीपिं बायु तःन्ध्यः धाइ । तःन्ध्यः तसें यायुमाःगु ज्या इलयु यायु फइमखु । ज्या यायुगु छुं ई न्ह्यलं

कायु धुंकी । थज्याःबलयु ज्या यायुगु तालिकाया ख्याल यायु मफुत धायव ज्या ल्वाकः बुकः जुइ । छगू ज्या यायां मेगु ज्या लुमनावइ । यानागु ज्या पुमवंकं मेगु ज्या यायु हथायु जुइ । नसा नया च्वं च्वं हे ज्या लुमनाः मन हथायु चाइ । नसा नयागु हे भचा सुख दयुक नयु खनीमखु । मन भचा हे याउंके तयुखनी मखु ।

चितासू मसीगु धयागु छगू दुख खः । नयु त्वने मखनाः जुइगु दुख धाःसा थ्व मखु । सुनानं बियाः जुइगु दुख नं थ्व मखु ।

हर्लासितसें थज्याःगु दुख ताइमखु । स्वाभिमानि व लगनशीलतसें ताइगु दुख खः । थ्व दुख धयागु छगू ज्या यानाच्वं च्वं मेगु ज्या लुमनाः मन थातं तयु मफइगु अबस्था खः । नसा नया च्वं च्वं हे ज्या लुमनाः मन हथायु चाइगु भाव खः । छुं नं ज्याखयुं मन शान्त यानाः यायु मदइगु धयागु नं छगू कथया दुख हे खः । थज्याःगु अबस्थायत हे चितासू मस्यु धाइगु खः । अथे जुयाः तःन्ध्यलं चितासू मस्यु धाइगु खः ।

बांलाक न्ह्यः
वयुकेगु व यक्व
न्ह्यः वयुकेगु धयागु
छगू हे मखु । देनेगु
इलयु न्ह्यः वःपिंत
बांलाक न्ह्यः वः
धाइ । ई बिकाः तर्कं
ताउत देनीपिंत यक्व
देनीपिं बायु तःन्ध्यः
धाइ । तःन्ध्यः तसें
यायुमाःगु ज्या इलयु
यायु फइमखु ।

तिछुं माःहनावःगु खनकि मभिं

हिन्दु धर्मया धार्मिक मान्यता कथं तिछुं गणेशःया बाहाँ कथं कयातःगु दु । गन गन गणेशः दइ अन अन तिछुंया प्रतिमा नं तयातःगु दइ । गणेशःयात पुजा याइ बलयु थ्वयात नं पुजा यायुगु याइ । थथे पुजा यायुगु याःसां थुपिं माःहनाः वंगु खनकि मभिं, अलछिन जुइ, दसा मभिनी आदि धायुगु भीगु सामाजिक विश्वास व मान्यता दु ।

तिछुं धयाहं छुंतयु थीथी प्रजाति मध्यु छगू प्रजाति खः । अथे खःसां

छुंयाके व थ्वयाके दइगु स्वभावयु फरक दु । छुं गः दयुकाः च्वनीमह खःसा तिछुं गनं कापीकिपी व नौद्वें व साःद्वें थें ज्याःगु नायुगु थासयु च्वनेगु याइ ।

तिछुंयाके छगू कथया नवःगु गन्ध दइ । भचा सहः यायु मफुपिंत थ्व गन्ध बान्ता तर्कं जुइकी । छुं नसात्वसायु तिछुं गयावन धायु नसात्वसायु तर्कं थ्व गन्ध प्यपुने यः । थज्याःगु नसा नयु तर्कं जीमखु ।

नसात्वसा जक मखु थलबलयु गया वन धायु व नवयु यः । थज्याःगु थलबल मसिसे छुं नसात्वसा तयुलात धायु नसात्वसा तर्कं नवयु यः ।

तिछुंया गंगु थायु सिकं प्याः थचावःगु थायु यः । उकें थुपिं छुंया च्वयुया तल्लायु च्वनेगुया सिकं छेली अप्व च्वने ययुकी । छेली नं न्ह्यसू अपां च्वयु वइमखु धाइ । अयुनं गनं गनं छुंया च्वयुया तल्लायु नं ख्वाउंसे प्याःगु थायु दुथायु नं थुपिं वयुगु याः । थज्याःथायु वयु लात धायु अन हे च्वनेगु यायु यः ।

थुमि छकः च्वने धुन धायु उजुं सुजुं मेथायु मवनीगु बानि दु ।

मेमेपिं छुंतयु थें तिछुं उगु थुगु त्यानाः दुख बीमखु । गलयु यकाः स्वथना तयुगु नं याइमखु । बरु छ्वासु थायु जुल धायु चाया तःलयु च्वंगु नं लिंकयाः नयु यः ।

प्याःगु व नायुगु थायु जक यःगुलिं थुपिं अप्वः यानाः नौद्वें चिना तःथायु व साःगाः मुनातःथायु च्वनी । थुपिं अप्वः यानाः थज्याःथायु हे जक म्हितेगु याइ । तिछुंया यःगु नसा धयागु ध्वगिनाः नाइसे च्वंगु नसा खः । धलपातयु वांछ्वयातःगु नवःगु व नाइसे च्वंगु बस्तू हे थुमिसं नइ । थ्व बाहेक मनूया खि थुमित तसकं यःगु नसा खः । थज्याःगु नयु दतले मेगु नसा माःवनी मखु । उकें थुपिं तसकं फोहरि जुइ ।

तिछुंत जुइ बलयु अप्वःयानाः याकः याकः हे जुइ । थुपिं जुइ बलयु छुं नं खतरा खनकि हा हां ब्वावनी । थुमिगु नवःगु गन्ध व हाःसलं खिचा,

भौ आदिं थुमित थिउ वनी मखु ।

तिछुं छथासं मेथायु वनी बलयु तःम्ह दतकि इवःलिं वनेगु याइ । अथे वनी बलयु व वयागु व वयागु न्ह्यःने च्वंमहसिया न्हिप्यं प्वलयु वां वां न्यानाः ज्वनावनीगु थुमि स्वभाव दु । थ्वयात तिछुं माःहना वंगु धाइ ।

तिछुं माःहना वनीगु धयागु व थासयु यक्व तिछुं दत धयागु संकेत खः । गन अप्वः नयु दइ अन यक्व मुंवनीगु छगू प्राकृतिक नियम खः । तिछुं यात यःगु फोहर अप्वः दुगुलि हे तिछुंत माःहनाः वने दयुक यक्व दुगु खः । उकीया मतलब उगु थासयु फोहर यक्व दत बायु तसकं फोहर जुल धयागु खः ।

फोहर धयागु नीगु मखु । थुकिं ल्वयु अप्वयुकी धयागु खं जग जाहेर दु । ल्वयु धयागु शुभ व भिंगु अबस्यं मखु । थ्व लछण नं मखु अबस्य अलछिन खः । उकें तिछुं माःहना वंगु खनकि अलछिन जुइ दसा मभिनी आदि धयातःगु खः ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

हरेक मंगलवाः
राष्ट्रियताको लागि समर्पित



मेरो साप्ताहिक

मन्चा_साप्ताहिक **Mero Saptahik**

माला: माला: ब्वनादिसें ।

ख्वाःपाः प्याखंया सफू विमोचन



लहना वाःपौ/ २०२३ सालनिसें नेपाःया ख्वाःपाः प्याखं लिसें संस्कृतिया अनुसन्धान यानादीम्ह नृत्यकलाविद वीणा जोशी (राजभण्डारी) या कृति 'नेवार समुदायको परम्परागत मकुन्दोनाच' सफू विमोचन जुल ।

वंगु आइतवाः यल नेवाः समाजया ग्वसालय् जूगु ज्याभवलय् च्वमिया सछि दै दुम्ह मां गंगादेवी राजभण्डारी लिसें स्वनिगःया थीथी जातिया परम्परागत नृत्यकलाया लिसें भिन्त्याम्ह नेवाः गुरुपिपाखे मंकाः कथं विमोचन यायेगु ज्या जूगु खः ।

इयत भुल अजिमाया मूगुरु

देवकृष्ण महर्जन, किलागःया चःप्याखंया मूगुरु ब्रम्हु महर्जन, सिकाली प्याखंया मूगुरु महन्तलाल डंगोल, जल प्याखंया मूगुरु धनबहादुर महर्जन, कीपूया इन्द्रायणी देवी प्याखंया मूगुरु खेखालाल माली, ठेच्यया इन्द्रायणी चःप्याखंया मूगुरु धर्मराज माली, यें गथुप्याखंया मूगुरु सूर्यनारायण मालाकार, यल कात्ति प्याखंया गुरु प्रतापधर शर्मा, संस्कृत शिरोमणि हरिराम जोशी, चर्या संगीतविद यज्ञमानपति वज्राचार्य, यलया चर्या प्याखं गुरु पदमराज वज्राचार्य, हेमबज्र वज्राचार्य, आधुनिक रङ्गमञ्च नाचया गुरु रमा मास्के राजवाहक,

दाप्चा तल्लो हदियाया प्याखंगुरु रामेश्वर श्रेष्ठपिसं सफू विमोचन यानादीगु खः ।

नेवाः समुदायया लोपोन्मुख मुहाली बाजा पुयाः न्ह्याःगु ज्याभवलय् नृत्यकलाया गुरुपिपंत महत्व विसैं च्वमि थम्हं गुरु वन्दना प्याखं न्ह्यब्वयादीगु खः ।

ज्याभवलय् सम्बोधन यासैं च्वमि जोशी थम्हं देय्कंयया जातजातिया अनुसन्धान यायेगु योजना दयेकूगु खःसा नं सम्भव मदगुलिइ थम्हं नेवाः समुदायया ख्वाःपाः प्याखंया बारे अध्ययन केन्द्रित यानागु खँ धयादिल ।

८२ दै दुम्ह च्वमि जोशीया लगनशीलता, नृत्यकला लिसें थ्व विषयया ऐतिहासिक व व्यवहारिक सामाजिक पक्षया अनुसन्धानात्मक सक्रियताया चर्चा यासैं संस्कृति शिरोमणि हरिराम जोशी व नृत्यकला तथा चर्यानृत्यविद यज्ञमानपति वज्राचार्य, प्रा.डा. ध्रुवेशचन्द्र रेग्मी सफू संग्रहयोग्य जूगु धासैं सफूया समीक्षा यानादीगु खः ।

सः दबू साहित्यय् राजेश्वरी

लहना वाःपौ/सः दबू साहित्यया स्वंगूगु ब्वय् चिबाखीम राजेश्वरी राजोपाध्यायया चिबाखं न्ह्यब्वःगु दु ।

लाया न्हापांगु सनिवाः यलया तलाछेंय् न्ह्याकावयाच्वंगु सः दबू साहित्यया इवलय् मय्जु राजोपाध्याय थःगु १५ पु बाखं न्यकादीगु खः ।

साहित्यया दुजः सुरेन्द्रभक्त श्रेष्ठ चिबाखीम राजोपाध्याययात स्वांमाः क्वखायेकाः लसकुस यासैं न्ह्याःगु ज्याइवलय् कजि सुधीर ख्वबिं मतिनाया चिं देछाःगु खः ।

ज्याइवलय् ब्वति काइपिन्त लःल्हानावयाच्वंगु लुखा सिरपाः थुगु संस्करणय् वंशीधर बज्राचार्य त्याकेत ताःलाःगु खः । साहित्यया दुजः समा श्री न्ह्याकागु ज्याइवलय् चिबाखीम राजोपाध्यायया म्हसीका न्ह्यब्वःगु खः । चिबाखं ब्वनेज्या न्यापु न्यापुया ल्याखं स्वंगू ब्वय् ब्वथलाः न्ह्याःगु खः ।



थ्वयां न्ह्यः सः दबू साहित्यया न्हापांगु ब्वय् पूर्ण मुनकर्मि व निगूगु ब्वय् अमृतरत्न शाक्यपाखें चिबाखं न्ह्यब्वये धुंकूगु दु । याकः चिबाखं वाचन ज्याइवः नेपालभाषा साहित्य ख्यलय् न्हापांखुसीइ न्ह्याःगु व थुकिया नितीं थःपिन भिन्त्यापु चिबाखं तयार यानाः स्वापू तयेत ग्वसाःखलकं चिबाखीमपिन्त इनाप याःगु दु ।

न्यूजेनिथपाखें एसईई पास जूपिंत विदाइ

लहना वाःपौ/स्वनिगःया लोकंहवाःगु न्यू जेनिथ इन्जिनियरिङ्ग मोडल स्कूलपाखें २०८२ सालया एसईई ताःलाःपिं ब्वमिपिन्त बिदाई बीगु ज्या याःगु दु ।

ब्वनेकुथि सञ्चालक समितिया नायः पुष्प श्रेष्ठया सभापतित्वय् जूगु ज्याइवलय् यें मनपा १८ वडाया अध्यक्ष न्हुछेकाजी महर्जन मूपाहाँकथं भायादीगु खः । मूपाहाँ महर्जनं यें मनपा १८ वडा दुने यक्व ब्वनेकुथि दुसां नं उर्पिं मध्ये म्हो शुक्लं नं उच्चस्तरीय शिक्षा बीगु ज्याय् न्यूजेनिथ न्ह्यज्यानाच्वंगु खँ कुलादिसैं मचानिसैं थुगु हे स्कूलय् ब्वनाः ब्वलीपिं विद्यार्थीपिं +२ तगिमय् नं थन हे ब्वन धाःसा स्यनामिपिसं नं उर्पिंत म्हसीगु हुनिं स्यनेकनेत अःपुइगु व मस्तयत नं सहज वातावरण दइगु खँ तयादिल ।

ब्वनेकुथिया संस्थापक प्रधानाध्यापक राजु महर्जन एसईई



ताःलाःपिं ब्वनामिपिन्त भित्तुना देछासैं मचानिसैं थःपिन ब्वनेकुथिइ ब्वका तयापिं विद्यार्थीपिं थःगु हे ब्वनेकुथिइ +२ तगिमय् ब्वका च्वनागु व्यवस्थापन विषय ब्वनेत हे मेमेगु ब्वनेकुथिइ वनीबलय् थःत दुःख ताइगु खँ तयादिल । वय्कलं थःपिसं ब्वनेकुथिइ व्यवस्थापन विषय ब्वकेगुली छुं नं कथंया कम्प्रोमाइज मयानागु नं न्ह्यथनादिल । वय्कलं

२०७१ सालय् न्ह्याकागु +२ तगिमय् थौतकया दुने अभ्र बांलाःगु लिच्वः हयेत ताःलानाच्वंगु नं कनादीगु खः ।

+२ या सहायक प्रधानाध्यापक विकास पौडेलं सकसितं लसकुस यानादीगु खः । ब्वनेकुथि संचालक समितिया दुजः शिवकुमार श्रेष्ठ, यें १८ वडाया वडा दुजःपिं हेमज्योति शाक्य, हिराशोभा महर्जन, रचना शर्मा, अम्बिका सुनारपिन ब्वति दुगु खः ।

सिकाली अजिमा देगलय् विशेष पूजा



लहना वाःपौ/यें मनपा १२ वडाया च्वंगु सिकाली देगलय् वार्षिक पूजा व प्रसाद ग्रहण ज्याइवः बछलागाः आमाई (जेठ २ गते) शनिवाः तःजिक क्वचाल । परम्परागत तुकबहाः ह्यूमत निस्तेनाथ खलः अन्तर्गत सिकाली अजिमा संरक्षण गुठीया ग्वसालय् थुगुसी न्हापांखुसी थुकथंया ज्याइवः

ग्वसाःग्वःगु खः । सिकाली अजिमाया भिनिदँया जात्राया इलय् सिकाली येंय् बिज्याकीगु चलन दु । थ्व इलय् सिकाली अजिमायात सिकाली अजिमा संरक्षण समितिं विशेष पूजा बियाः लसकुस यायेगु चलन दु । थुगुसी यें मनपा १२ वडाया

आर्थिक ग्वाहालिं पचली भैरव लागाय् च्वंगु सिकाली देगः दयेकेज्या जुयाच्वंगु व थुगु देगः पूर्वकाः विशेष पूजा यायेगु आज्जु दुगु जूसां जेठ ३ गतेनिसैं अनला न्ह्याइगु व उगु इलय् नेवाः समाजय् भिं ज्या याये मज्ज्युगु धार्मिक विश्वासकथं जेठ २ गते हे पूजा न्ह्याकागु गुथिया न्वकु विजयलाल डंगोलं कनादीगु दु ।

विशेष पूजनाया नितीं गुथिया जःपिं खोना थ्यंका वनाः सिकालि देवगणपिन्त ब्वना हःगु खः ।

ज्याइवलय् यें मनपा १२ वडाया अध्यक्ष बालकृष्ण महर्जन, यल मनपा २१ वडाया अध्यक्ष रविन्द्र महर्जन, प्रतिनिधिसभा सदस्य कृता महर्जनलिसंया ब्वति दुगु खः ।

लाल पूजा

मजुल धकाः न्ह्यसः नं न्यनादीगु दु । यें मनपां छैं दनेगु नितीं नक्सा पास नं यायेगु निर्माण सम्पन्न बीगु । वहे कथं कर नं कायेगु तर आः वयाः छैं थुने धाये मिले मज्जुगु खँ नं धयादीगु दु ।

थ्वहे इवलय् नेवाःतय् राष्ट्रिय संगठन नेवाः देय् दबू खुसिसिथय् सरकारं लागू याःगु मापदण्डया आधारय् निजी स्वामित्वय् दुगु छैं जग्गा व परम्परागत बस्ती चीकेगु धकाः वयाच्वंगु सुचं प्रति नेवाः देय् दबूया गम्भीर ध्यानाकर्षण जूगु खँ धाःगु दु । नेवाः देय् दबूया नायः रश्मिला प्रजापतिं म्हीग विज्ञापित जारी यासैं २०६५ सालय् जारी याःगु खुसि मापदण्डया आधार दयेकाः स्वनिगःया खुसि सिथय्या लालपूजा दुगु छैं जग्गा, परम्परागत बस्ती लिसें पुस्तोनिसे च्वना वयाच्वीपिं रैथानेतय् अनं चीकेगु सुचं जारी यायेगु चिन्ताजनक जूगु धासैं आदिवासीतय् थःगु लागां विस्थापित यायेगु न्यायोचित मजुइगु खँ नं धयातःगु दु ।

छवे सरकारं सुकुम्बासीया लिसें स्थानीय जनताया छैं थुंगु खँयात कयाः अदालतय् मुद्दा लानाच्वंगु दु । अदालतय् मुद्दा लायेवं सरकारया निर्णय विरुद्ध अन्तरिम आदेश नं जारी यायेगु ज्या जुयाच्वंगु दु । तर सरकार धाःसा सुकुम्बासीया लिसें स्थानीय जनताया छैं थुनेगु ज्या नं निरन्तर न्ह्याकाच्वंगु दु ।

२२ वडा

अन्तर्राष्ट्रिय शारीरिक सुगठनया निर्णायक व पुलांम्ह कासामि ईश्वर श्रेष्ठ, वरिष्ठ पत्रकार श्याम बहादुर केसी, नेपाःया न्हापांम्ह सिनेमाटोग्राफर श्याममोहन प्रधान, अन्तर्राष्ट्रिय पौडी कासामि तिसा शाक्य, निजी ख्यःया न्हापां टेलिभिजन चले याःम्ह संचार व्यवसायी आरके मानन्धर, वरिष्ठ फुटबल कासामि इन्द्रमान तुलाधर, वरिष्ठ गायककार मानिकरत्न स्थापित, नेपाल फेन्सिड संघया नायः सुनिलकुमार श्रेष्ठ, नेपाल जुडो संघया नायः दिपकहर्ष वज्राचार्य, पूर्व एआइजी सुशीलवर सिंह थापा व

मुस्मां समुदायया न्हापांम्ह अन्तर्राष्ट्रिय फुटबल कासामि अफताब उद्दिनयात हंगु खः ।

वडा महोत्सवया इवलय् जूगु मू ज्याइवलय् यें महानगरपालिकाया कार्यवाहक मेयर सुनिता डंगोलं वय्कःपिंत हनापौ लःल्हानादीगु खःसा वडाअध्यक्ष चिनिकाजी महर्जन दोसल्लां न्ययेकाः हनादीगु खः । अथेहे वडाया दकलय् अप्वः कर पूर्पिंत नं उगु हे ज्याइवलय् हंगु खः । सम्पत्ति करपाखे दकलय् अप्वः कर पूर्पिं रञ्जना ट्रेड सेन्टर, पिपुल्स प्लाजा व बैनीमैया श्रेष्ठ (पशुपति प्लाजा)यात हनेज्या याःगु खः । अथेहे दकलय् अप्वः बहाल कर पूर्पिं प्रजन्त्य राजभण्डारी, अमर राजभण्डारी व टेम्प्रेप्रसाद तिम्सिनायात नं हंगु खः ।

उकथं हे वडा महोत्सवया हे इवलय् जूगु विविध भाषा साहित्य महोत्सवय् २२ वडाया भिनिम्ह साहित्यकारपिंत नं हनेज्या याःगु खः ।

२२ वडाया जन्म जूपिं साहित्यकारपिं लक्ष्मी माली, पन्नारत्न महर्जन, उमेश स्थापित, राजु स्यस्यः, सुरेन्द्र मानन्धर, निर्मल वज्राचार्य, मणिक उराय, जलेश्वरी श्रेष्ठ, अनिता तुलाधर, कुन्दन श्रेष्ठ सुनिता राजभण्डारी व राजेन मानन्धरयात हनेगु ज्या नं याःगु खः ।

ज्याइवलय् थीथी कविपिसं साहित्य वाचन यानादीगु खःसा म्हुम्ह सुरेश किरण मानन्धरयात कयाः अन्तर सम्वाद ज्याइवः नं जूगु खः । उगु अन्तरसंवाद ज्याइवः प्राज्ञ शरद कसाः सहजीकरण यानादीगु खःसा ज्याइवलय् सुरेश किरण लुमान्ति गुथिया सल्लाहकार रमेशकाजी स्थापित, राजनीतिक विश्लेषक राजेन्द्र महर्जन व कविपित्री रजनी मिलां ब्वति कयादीगु खः ।

ज्याइवलय् च्वमि दिब्या ताम्राकारया सफू 'अष्ट्रेलिया डायरी' व च्वमि रत्नेदेवी कसाःया 'ख्वाउगु स्वापु' मूपाहां मल्ल के. सुन्दर, रमेशकाजी स्थापित, च्वमि दिब्या ताम्राकार व पवित्र कसाः मंकाः कथं विमोचन याःगु खः ।

शरद कसा:यात करुणाकर सिरपा:



लहना वा:पौ/ वांगमय शताब्दी पुरुष लोकसाहित्यविद् सत्यमोहन जोशीया १०७ क्व:गु जन्म जन्मजयन्ती हने ज्याइवल्य सांस्कृतिक अभियन्ता लिसे प्राज्ञ शरद कसा:यात ५० द्द: तकाया नगद सिरपा: लिसे करुणाकर सिरपा: देखा:गु दु।

यलयाबखुंबहालयजुगुज्याइव:या उलेज्या नेपालभाषा एकेदेमीया संरक्षक यज्ञरत्न धाखा: त्वा:देवाय् मत च्याका: उलेज्या यानादीगु ज्याइवल्य मूपाहां यल महानगरपालिकाया उपमेयर मन्जली शाक्यं कसा:यात सिरपा: देछानादीगु ख:।

परिषदया नाय: राजितबहादुर श्रेष्ठया सभापतित्वय् जुगु ज्याइवल्य विमलप्रभा वज्राचार्य लसकुस यानादीगु ख:।

ज्याइवल्य परिषदया दुज: शान्तराज शाक्यं सम्मानित जुयादीमह शरद कसा:या म्हासिका न्ह्यब्वयादीगु ख:सा नेपालभाषा एकेदेमीया चान्सलर मल्ल के. सुन्दर, संरक्षक धाखा:, सिरपा: दातापाखे जयाकर वैद्य व मूपाहां शाक्यं नुग: खं प्वकादीगु ख:।

ज्याइवल्य रमा कर्नजितया रमानुभूति, संगीता कक्षपति श्रेष्ठया नैसा भगवतिया म्हासिका, राकेशमान मास्केया मानलाल मास्के व्यक्तित्व व कृतित्व, कविता नेपाली नकलीया नक:मि जाति व लव:कव:, पूर्णकाजी ताम्राकारया नेपालभाषाय् निबन्ध साहित्य नापं याना: न्यागू सफू पितव्वज्या नं जुगु ख:।

लुम्बिनी विश्वविद्यालयया उपकुलपति डा. माणिकरत्न नियुक्त



लहना वा:पौ/ लुम्बिनी विश्व विद्यालयया उपकुलपतिइ बौद्ध दर्शन, अनुसन्धान व शैक्षिक प्रशासनय् विशेष योगदान यानादीमह डा. माणिकरत्न शाक्ययात सरकार नियुक्ति या:गु दु। वय्क: न्हापा थुगु हे विश्व विद्यालयया बौद्ध अध्ययन संकायया पूर्व डिन जुयादी। वय्क: थीथी रास्ट्य् व अन्तर्राष्ट्रिय बौद्ध सम्मेलन अनुसन्धात्मक व शैक्षिक गतिविधिइ सक्रिय जुयादीमह व्यक्तित्व ख:।

लुम्बिनी विश्वविद्यालयया बौद्ध अध्ययन संकायया डिन जुयादीबलय् वय्कलं न्हूगु शैक्षिक ज्याइव: विस्तार, अनुसन्धान विस्तार, अन्तर्राष्ट्रिय शैक्षिक सहकार्य, विद्यार्थी अनुसन्धान मार्गदर्शन थुव्य:गु न्ह्यथनेबह:गु ज्या यानादीगु ख:।

वय्क: वि.सं. २०७३ सालय् सहायक डीन नियुक्त जुयादीगु ख:सा २०७५ असोज १६ निसैं वय्कलं डीनया कार्यभार क:धानादीगु ख:।

वय्क:या नेपालमण्डलको विहार वास्तुकला, कृष्ण मन्दिया

शिलालेख, मोटिफ अफ रत्न इन नेवार बुद्धिजम आदि सफूत पिदंगु दु।

वय्कलं नेपालमण्डल बौद्ध परम्परा, स्वयम्भू, बौद्ध थुव्य:गु सम्पदाया ऐतिहासिक व सांस्कृतिक महत्वबारे अध्ययन व प्रवर्द्धन यायेगु ज्याय् नं तिव: बियादीगु दु। त्रिविवापाखें न्हापांगु ब्याय्चय्बौद्ध अध्ययन यानादीमह वय्कलं लुम्बिनी विश्वविद्यालयपाखें बौद्ध अध्ययनय् पीएचडी यानादीगु ख:।



NEW ZENITH
ENGLISH MODEL SCHOOL

THE KEY TO OPPORTUNITY

ADMISSION OPEN

+2

HOTEL MANAGEMENT
COMPUTER SCIENCE
BUSINESS STUDIES

ENROLL NOW

01-5349164 | Bhurungkhet, Kathmandu | www.newzenith.edu.np

सगरमाथाको संरक्षण गरौं, प्राकृतिक सम्पदा जोगाऔं।

- नेपालमा रहेको विश्वकै सर्वोच्च शिखर सगरमाथाको गौरवमा गर्व गरौं,
- हिमाली क्षेत्रको वातावरणीय सन्तुलन कायम राखौं,
- फोहोर व्यवस्थापनमा सचेत भई सफा हिमाल अभियानमा सहभागी बनौं,
- जलवायु परिवर्तनका असर न्यूनीकरणमा योगदान गरौं,
- पर्वतारोहणलाई सुरक्षित, मर्यादित र दिगो बनाऔं,
- जैविक विविधता र हिमाली पारिस्थितिक प्रणालीको संरक्षण गरौं,
- सगरमाथा क्षेत्रलाई विश्वकै नमूना पर्यटकीय गन्तव्य बनाऔं।

हिमाल हाम्रो पहिचान र गौरवको आधार।



नेपाल सरकार
विज्ञापन बोर्ड



छत्रपाटी नि:शुल्क चिकित्सालय (अस्पताल)

"स्तरीय शुल्क स्वास्थ्य सेवा सकसिया मिति, असहायता मिति उक्त नि:शुल्क"

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी.
- डी.एच.एस
- अन्तरंग सेवा
- सिटी स्वयाप

शल्यक्रिया

- मोतिविन्
- झरक हवरी
- नाक हात छोटी सम्बन्धि
- हाडबोनी तथा नास सम्बन्धि
- सिम विरधार पिताक ननीको फन्ड सम्बन्धि

बहिराङ्ग सेवा

- मुटु रोग
- फेद रोग
- मृदास्त्रीजी
- स्त्री रोग
- शाल रोग
- बधाम्बर रोग
- डन्त रोग
- अर्था रोग
- जनरल मेडिसिन
- खन तथा खीन रोग
- नाक हात छोटी रोग
- जनरल हेल्थ चेक अप
- नाइरोटिड
- मधुमेह

सेमेगु सेवा

- ड्रेनिङ
- इन्ट्रोस्कोपी
- कोलोन्गोस्कोपी
- फिजियोथेरेपी
- बढावाङ्ग, कनर डन्धर र इन्डो
- कुलेपेके कलसो कल प्रयोगशाला
- टि.एस.टि. इन्टर
- सेमेगुघाम

२४ घण्टा
इमरजेन्सी सेवा

७७६ गंगालाल मार्ग, छत्रपाटी, काठमाडौं, फोन: ५३१६१३६, ५३५७९११, ५३६६२२९